

中興禮書

中興禮書第二百六十八卷

凶禮三十三

顯仁皇后

釋服

紹興二十九年九月三十日禮部太常寺言檢會章獻明肅皇后典故明道二年三月二十九日崩至四月十一日小祥文武百官釋服并明德皇后景德元年典故小祥日百官並釋服服常服所有今來大行皇太后崩文武百官所服欲乞依典故至十月二日小祥畢並釋服服常服內有繫金玉帶及乘花綉鶴絨坐者依先降指揮並易以犀角皂鑕內文臣有佩魚者權行除去合過百日並純吉服若百日在虞祭之前合候虞祭祔廟

畢日並純吉服詔依

十月十七日禮部太常寺言檢會昨顯肅皇后典故服制以日易月在外三日而除應士庶婚嫁三日服除外不禁及宗室各依服屬終喪日許令婚嫁勘會今來大行皇太后服制已過以日易月其宗室士庶婚嫁未有該載欲依典故令宗室各服屬候終喪日許行婚嫁其士庶婚嫁不禁唯不許用樂華飾候過祔廟依舊詔依十一月二十七日詔禮官建請奉迎顯仁皇太后虞主虞祭卒哭並服履袍朕惟哀慕罔極未忍純吉可將來奉迎虞祭卒哭奉辭並用今所服素黃袍黑帶素履行事

十二月八日兵部侍郎兼權禮部侍郎楊椿等言准尚

書省劄子奉聖旨祔廟畢純吉服雖有前聞緣正旦使人來既不受賀兼禮官已行申請供張並用黃素及紫色上下衣服禮有折哀可令給舍臺諫同禮官參酌典禮於祔廟前議定取裁議曰三年之喪雖貴遂服自天子達於庶人三代共之禮之正者也自漢以來始有易月之說今十二日而小祥又十二日而大祥又二日而禫禮之變者也國朝以來天子於宮中實行三年之喪而施之外廷則用變禮既曰變禮則於隆殺樽節從權制宜蓋視其當而為之竊見明德皇后章獻明肅皇后自崩至葬凡七月慈聖光獻皇后宣仁聖烈皇后凡五月欽聖獻肅皇后凡四月閱日稍久又使人弔祭之禮皆已畢事故祔廟之後可以即吉今來顯仁皇后自上

傳至今未滿三月而策虞升祔之禮已畢在士庶之家  
猶是百日未卒哭之內若遽令羣臣純吉無所不佩揆  
之人情實為未稱又況正旦在通使人之來既不受賀  
又罷內宴至於殿廷供張並用黃素則上下衣服未容  
純吉禭等竊謂宜如今日之服候將來人使同日令禮  
官別條具取旨謹議詔依所議

三十年二月十四日禮部太常寺言已降指揮顯仁皇  
后祔廟畢次日並純吉服續准指揮候使人回日令禮  
官條具取旨所有今來顯仁皇后神主祔廟畢及吊祭  
使人已回其內外百官並合純吉依服詔依令自十五  
日吉服

同日禮部侍郎宋棐等言二月十五日內外百官並服

純吉服所有禁衛等欲比附百官體例並純吉服外有  
執打從物等候拜表奏請皇帝純吉服降批答允日其  
執打從物等亦合純吉詔依

十五日請皇帝純吉服拜第一表宸麻畢制孝尚軫於  
聖情冕服臨朝禮合遵於舊典故輒殫危懼仰冒聰聞  
恭惟皇帝陛下挺堯舜之姿執參審之行痛念東朝之  
養雨露既濡勉居南面之尊衣裳徇變復土克終於園  
寢易月遠過於禪除食脩閔宮升祔之儀脩舉職修隣  
國弔祭之使既行中外所瞻禮文無關宜被九章之采  
色新四海之觀瞻願詔攸司式進吉服藻龍端宸雍容  
彰舜服之垂駕駕造庭拜舞仰漢儀之盛奉批答省表  
具之居喪者禮尚於有終報答者心存乎罔極朕自罹

哀疚深念劬勞雖易月之文當勉遵於遺訓然三年之制初不廢於內廷忍以威容遽從吉服夫天子之孝在於刑四海而朝廷之治所以正萬民寧啻東陳少仲朕志所請宜不允

十七日拜第二表需章上奏祈喜吉之從常璽詔至下頌尚哀悵而未忍敢逃誅謚再冒威尊竊以禮本人情已越公除之制喪從先祖實垂列聖之規雖謙德之莫逮豈義章之可曠恭惟皇帝陛下動而銜恤居則不言盡舜孝之蒸蒸思顏罔極秉文心之翼翼率禮無違茲燧火之既遷當祥琴之在御宜從吉服以聽治朝以正於拜儀俯以慰乎物望百僚布列深殫傾藎之誠五采彰施願煥垂裳之治奉批荅省表具之服痛東朝奄罹

大故周極之念實鍾乃心在外廷雖遵易月之文而內朝實行三年之制既不逮者劬勞之執尚可勉者哀戚之情行之終身猶曰不足遠爾即吉後嗣何勸方稽列聖之規難徇羣臣之請所請宜不允

十九日拜第三表會弁造庭備殫誠懇元端當辰未賜俞音敢辭三瀆之誅冀悟九重之聽臣等竊以聖人之孝刑四海不專喪紀之容天子之服尚九章式表朝儀之盛抑情文而就禮權輕重以制宜允協舊章斯為達節恭惟皇帝陛下受天至性執古通喪宮中實服於三年門外既從於易月念慈闈而孺慕已極存心思祖武以靈承可忘彛訓而況克終園寢升祔宗祔祧蒸嘗之薦聿脩內外之禮既備宜從吉服以正邦儀哀亟致於



有餘過將同於不及伏願陛下洞開淵鑒俯徇輿情命司服命以辨名肅鴻臚而陳序向明聽治丕昭黼黻之從欲推仁允協耆紳之望奉批荅省表具之朕追懷慈訓備舉恤儀濡露及辰茹哀何已而羣心卿士屢請以吉服臨朝夫禮有變常靡容於過制孝無終始惟在於盡心朕今內則執喪外而聽政所自竭者極圖之慕所難廢者朝廷之儀敢徇至情以墮成憲所請宜允

二十日宰臣湯思退等言率文武百僚三上表奏請皇帝御殿令有司供進吉服伏奉批荅所請宜允今太史局選到令有司供進吉服宜用二月二十四日癸酉吉詔依

二十二日詔近羣臣三上表請依典故以吉服御殿朕

惟勉從惟人子之孝未能割情二十四日常朝且服淡黃袍紅鞋帶俟期年易之

九月二十三日宰臣湯思退等言伏以昊天罔極永傷慈覆之達新穀既升猶抱皇情之痛念瞻威於咫尺未純采於冠衣練而慨然理應順變期已久矣懼或過中伏願深抑餘哀俯循達節俟既祥而歷吉儼盛服以當陽漢中天二百而興益隆大業舜至孝五十而慕獨耀前徽臣等更不敢率百僚拜表祈請今來顯仁皇后小祥禮畢乞自今月二十三日御垂拱殿日皇帝御純吉服如蒙聖慈矜允付外施行詔自十月朔依故事

中興禮書第二百六十九卷

凶禮三十四

顯仁皇后

啟櫨

紹興二十九年十月二十四日詔將來大行皇太后啟  
櫨發引日差主管大內公事知尚書省內事嘉國夫人  
楊從義將帶從人九人共一十人送護梓宮至櫨宮並  
候事畢日回程入內

二十六日太史局言將來梓宮啟櫨發引掩櫨宮各合  
用日辰時刻今選定下項 一啟櫨宜用十一月九日

己丑吉時用癸時

其日時前四刻啟櫨時  
前一刻梓宮還殿吉

一發引宜用

十一月十八日戊戌吉掩櫨宜用十一月二十六日丙

午吉時並用其日。其時宰臣湯思退等奏臣等詳議按  
統元曆丙申吉。又謹按太祖實錄建隆二年六月皇太  
后崩以丙申成服。貞宗國史至道三年十二月丙申追  
尊帝母為皇太后並嘗用丙午日伏取聖裁。詔梓宮發  
引宜用十一月十六日其時刻令太史局選定餘依本

局所申

太史局選定梓宮發引宜用其日其時吉

二十九日禮部太常寺言今參酌下項 一依故事啟  
櫬前三日至祔廟日並前後殿不坐其發引前一日并  
啟櫬發引掩櫬虞主回祔廟日仍不視事今乞依故事  
施行 一依故事龍輅降殿皇帝從又皇親諸親陪從  
皆哭梓宮就大昇輦合欲乞依故事施行 一合於慈  
寧殿東廊設御幄施簾又于麗正門外東闕亭上西向

設御幄施簾并逐處合用白羅拜褥詔依

三十日禮部太常寺言將來啟櫨依顯肅皇后故事時  
前合行奏告之禮今參酌到下項 一時前奏告行禮

官依禮例係就差櫨宮總護使行禮 一合用御封降

真香一合祝文一首

述以顯仁皇后啟櫨宮時  
前奏告梓宮還殿之意

一合

差讀祝文官一員欲乞輪差太常寺官充并合用供養

食茶酒果等乞令都大監領喪事主管諸司排辦詔依

十一月三日禮部太常寺言將來梓宮啟櫨合行事件

一檢會國朝故事啟櫨皇帝服初喪服行祭奠之禮

羣臣以喪服自是日一臨至發引皆如之緣日數稍遠

每日於幕次換喪服入畢改常服出入發引前一日晝

漏未盡三刻入臨所有將來啟櫨至發引欲乞依故事

施行 一檢準明德皇后自啟櫬百僚皇親各服初喪之服軍員內班更不服初喪之服內庭諸色人員五使人從只服本色公裳又章獻明肅皇后故事禮儀使言啟櫬百官並服初喪之服前後御知押班以下并軍員三班使臣伎術官更不服初喪之服並常服黑帶今欲依典故外契勘到部待闕文臣通直郎武臣保義郎以上合服初服喪之服立班緣成服之後多有已授差遣赴任及請假事故之人又有成服之後不曾製孝服者今欲乞止令常服黑帶立班 一自啟櫬至發引羣臣入臨除已申請啟櫬前三日至祔廟並前殿不坐今來文武羣臣每日入臨今欲乞自啟櫬至發引前後殿不視事宰執除啟櫬日並發引前一日外餘日赴內殿奏

事 一依禮例啟橫畢合行奉慰今乞俟啟橫行禮畢  
文武百僚並詣文武百僚德殿進名奉慰并進名慰皇  
后是日百司作休務假一日 一今來於慈寧殿東廊  
設素帷并拜褥合用御封降真香一合祝文一首為述顯  
仁皇太后成慶畢梓宮還殿 一合用供養牙盤食并茶  
皇帝行祭真燒香札之悉 酒果蠟燭等乞令都大監領喪事主管諸司排辦 一  
合差讀祝文官一員乞差史官前導太常卿贊引太常  
卿太常博士一員乞依例輪差本寺官詔依

### 啟橫行禮儀

其日俟總護使行啟橫禮畢拆遷梓宮還殿安奉訖次  
御史臺閤門太常寺分引陪位文武百官詣慈寧殿下  
隨地之宜立班定次禮直官太常博士引太常卿詣帷

前立定皇帝自內服忌日之服詣慈寧殿東廊御幄簾降皇帝易初喪之服禮直官太常博士引太常卿詣幄前悅伏跪奏稱太常卿臣某言請皇帝詣顯仁皇后梓宮前行啟櫬祭奠之禮奏訖悅伏興退復位簾捲前導官前導皇帝詣慈寧殿下褥位西向立奏請拜皇帝再拜奏請哭皇帝舉哭在位官皆再拜舉哭前導官前導皇帝詣顯仁皇太后梓宮香案前北向立奏請皇帝上香再上香三上香跪內侍進茶酒又奏請皇帝酌茶三奠酒悅伏興又奏請少立俟讀祝文官稍前跪讀祝文訖又奏請舉哭皇帝舉哭在位官皆舉哭俟哭止又奏請拜皇帝再拜在位官皆拜訖前導官前導皇帝詣殿下褥位西向立奏請拜皇帝再拜在位官皆再拜訖前



導宮前導皇帝歸御帳簾降禮直官太常博士引太常卿當帳前俛伏跪奏稱太常卿臣某言禮畢奏訖俛伏興退復位陪位并前導官以次退皇帝就御帳易忌日之服還內

鼓吹警場挽歌挽詞

紹興二十九年十月五日禮部太常寺言今討論到大行皇太后橫宮合行典禮下項 一今來合用挽詞依禮例乞令文臣職事官以上各撰二首降付太常寺教習 一依國朝園陵故事靈駕發引前夕并沿路宿頓合用警揚并導引合用鼓吹所有脩撰導引歌詞並乞令太常寺條具合用節次申請按習 一警場合用金鉦一十二人鼓手六十人鳴角六十人逐色教頭共五人

管轄人員三人部押使臣一員乞令殿前司差就用本  
軍金鼓鳴角并差武嚴教頭三人於太常寺見管武嚴  
兵級內差撥 一鼓吹合用鼓吹令丞職掌府典史引  
樂官共一十人內除令丞見管外有其餘名色人並乞  
依例於太常寺人吏樂正內差攝祇應并合用歌一十  
六十人箏篋笛各三十人蕭八人大鼓一十六人小鼓  
一十六人節鼓一名金鉦四人共用一百二十一人乞  
令殿前馬步三司均差剗刷會解樂藝之人內歌色選  
差識字人 一鼓吹樂曲詞章合用黃鍾羽導引六州  
十二時三曲乞令具腔譜申學士院修撰降下教習  
一鼓吹警場挽歌教習去處今乞於懷遠驛仍乞教習  
一月日 一所有鼓吹合服紫公服黑角帶幘頭履鞋

鼓吹令丞服綠公服黑帶帽頭履鞋職掌府典史引樂  
 官各服緋羅寬衫執色樂工合服緋鸞花衫平巾幘白  
 絹抹額警場三色教頭武嚴教頭管押人員並服緋寶  
 相花袍小帽子白絹抹帶金鉦角匠並服平巾幘緋寶  
 相花袍白絹抹帶鼓手服雷花袍雷花抹額白絹抹帶  
 並令具數下祇候庫關借使用 一鼓吹金鉦大小鼓  
 樂器欲乞於祇候庫關借使用 一依昨昭慈聖獻皇  
 后發引故事合用挽歌節級二人歌頭二人唱詞一十  
 八人和聲六人執鐸和聲八人執帔四人執紼四人執  
 纛一人執翼八人合用執色服著欲乞行下文思院製  
 造黑杖子二條銅鈴二十六連背黃銅鐸八連背朱細  
 紼一真紅生絲裝畫 纛一連煥張旗羅范 披四翼八紙  
一本格竹羅全

糊油畫冠五十頂白身緋袖青襖背團花歌衣五十頂  
一依例差押教二人合服綠公服乞下祇候庫閱借  
一所有挽歌人勒令挽歌節級踏逐如不足乞下臨  
安府拘集本府會唱和之人赴寺教習祇應詔依  
二十日兵部言據左右金吾街仗司申依故例發引前  
夕并沿路合行排辦事件 一嚴更警場合用押當官  
一員欲乞差本司官前去所有押當官職掌唱和人兵  
並乞就本色服 一和探嚴更警場人兵依例係四鋪  
合用八十八人於吳山廟內教習一月詔依

仁十七日秘書省言據太史局文德殿鍾鼓院申將來  
梓宮發引前夕并沿路及至櫓宮宿頓依故事排設警  
場鼓吹合用主管官一員乞就差在櫓宮本院官管押

逐頓警場祇應司辰一名直官鷄唱局學生九人合用  
影儀一座銅鈺一面朱紅地氈黃畫龍鼓一面並就用  
本院所管詔依

二十九日御製薤露詩五首降付太常寺閱習

十一月三日尚書省劄子侍從臺諫撰到顯仁皇太后  
挽詞依故例令太常寺監領所閱習餘官降付監領所  
選擇閱詔依

八日禮部太常寺言今來靈駕發引并掩櫬宮依故事  
所差鼓吹警場挽歌係總護使於發引前二日就法惠  
寺同橋道頓遞使都大監領喪事官并禮部太常寺官  
按閱今來欲乞於懷遠驛按閱施行詔依

鼓吹歌詞

黃鍾羽導引

長樂晚綵戲菜衣奄忽夢報仙期帝鄉渺渺來驚去啼  
紅嬪御不勝悲蒼梧烟水杳難追腸斷處過江時銀濤  
千萬疊不知何處是瑤池

六州

中興運孝治正格昇平回駟馭弭鳳駕冊寶初上鴻名  
龍樓問寢候鷄鳴更翻菜戲綵衣輕坤躡夜照老人星  
金觴上壽長願燕慈寧乘鸞何處去愁斷紫簫聲追思  
金殿椒壁丹楹又誰知勤儉仁明風行化被宮庭佑聖  
主底明時陰功暗及生靈離宮晚花卉嬌好甲觀高湖  
海崢嶸往事回顏忽飄零空留嬪御掩泣望霓旌請看  
稽山翠永祐陵高而今便是蓬瀛

十二時

炎圖景運正延鴻  
文母坐深宮  
慈寧大養樂事時  
奏宸聰  
皇齡永恩霈下  
遍寰中  
君王垂綵服  
嬪御上瑤鍾  
年誕節就盈吉月  
交慶流虹  
惟洽意方濃  
不覺僊游渺邈  
但號泣蒼穹  
追慕念音容  
詩書慈儉配  
古追蹤躬行  
四德誰知繼  
二南風  
移盼俄空  
寶鑑脂澤塵  
封清都遠  
帝香遙杳  
難通想雲輶  
駕鸞鳳  
還上瀛蓬  
稽山何在  
當年禹宅  
萬古葱葱  
最難堪  
湖頭定海波  
融哀笳發  
龍艦過江東

御製薤露詩五首

其一

盡履艱難運方居  
喪樂尊音流海寓  
厚載協輿坤玉座

東朝寂金梳大練存悲笳催淚雨揮灑月江昏

其二

履素光彤史高年在昔希承顏猶夢寐問寢失庭闈慈  
儉過文母勤勞掩舜妃昊天寒日慘慟哭閔禕衣

其三

天泣連朝雨哀傳後夜風佳城靈旆往華屋玉衣空帷  
殿簾垂素宮庭葉改紅鶴群盤禁禦仙馭上雲穹

其四

體絕人間粒神隨物外丹遽遺天下養未報夢中闌月  
慘桐陰靜霜凋桂影寒誕辰悲甫及不復奉慈歡

其五

帳殿空遺像宮簾啟夜臺至仁參列聖永感積深哀薤



露悲何極仙游杳莫回  
割繩催曉輟攀慕寸心推

左僕射湯思退

秀毓儀天表光膺夢日祥  
炎圖將佑漢濟哲實生商  
長樂尊名正中興孝理彰  
猗歟慈儉德歌頌播無疆  
慶壽方神祝仙游遽莫攀  
虞妃從梧野啟母祔稽山  
祖載嚴宮伏哀號盡聖顏  
蕭蕭松柏路遙瞻隔五雲  
間

右僕射陳康伯

警戒成先志艱難啟聖功  
玉宸方問寢寶用遽崇終  
渺邈青鸞馭淒涼白柰風  
惟餘慈儉德彤史詔無窮  
二妃形道化三后繼音徽  
履武遺蹤遠承顏舊事非  
真遊歸帝所懿德在宮闈  
朔吹鏘哀挽君王淚滿衣

參知政事賀允中

憶昨回鑾事編摩預史臣奏篇時未久哀用禮俄新壺  
制先慈儉徽稱極顯仁宣和有遺老淚灑翟車塵  
去去龍刺路忡忡黼宸心千巖迎曉色萬鼓送潮音  
澤漸遐通京榮冠古今寢園歸永祐遺恨滿山陰

同知樞密院事王綸

履武興周室休兵返漢宮旨甘天子養清淨道家風行  
積三千滿年登八十崇子今何所憾舜孝自無窮  
三山來處的一點去時明喪事皆餘俸尊稱最令名腹  
無煙火淨心有水雲清徑詣西王母相將上赤城

端明殿學士提舉萬觀兼侍讀張燾

騁馭神天相東朝福祿新六宮師大練萬乘奉常珍藥  
秣無窮慕猗蘭不復春寧湏論一惠四海自歸仁

鳳降千齡瑞鑒回萬國春養宗膺舜孝壽永體堯仁配  
地尊名正因山儉德均他時易脂澤哀愴尚如新

吏部侍郎葉義

玉繩西崑遠龍飛白水深艱難開聖統保佑屬天心約  
已辭湯沐憂民在德音萬方知舜慕兩淚自難禁  
未返從虞狩誰為廝養功母儀唯日戴孝感自天通方  
舉瑤觴慶俄驚帳殿空凍雲愁草木無路報春風

兵部侍郎楊椿

甲觀鍾宸懿東朝正母儀配天興漢日誕聖繼堯時慈  
儉姜任匹謙恭馬鄧早八旬開壽紀昭報復何疑  
大養隆甘旨柔儀富典刑鴻名歸冊寶備福享慈寧喜  
入菜衣戲悲踰祖載銘哀榮俱不恨垂世有餘馨

中書舍人洪遵

獨返蒼梧狩欣逢赤伏符九天嚴孝養萬國奉驩虞盛  
德仁宗似仙遊顯考俱不須論節惠簡策向來無  
八十迎初度相將舉壽觴遽陳昭德舞不過返魂香禹  
穴寒雲斷堯門夜漏長先臣已冥漠無復玉衣旁

數文閣待制楊傑

德冠東朝盛年隨化日增賀賤方輻湊仙仗忽雲升二  
紀慈寧殿千秋永祐陵湛恩漸宇宙終古著仁稱  
羽衛移霜曉宮殿出帝闕風悲浙江渡雲慘上皇山  
禮今從儉貽謀古莫攀臣民誦遺詔清血每潸潸

數文閣待制張子顏

育聖興皇祚寧親禮使隆內朝端母訓流化厚民風至

養勤天下慈儀冠域中仙遊俄遠駕雲物慘旻穹  
崇儉餘宮帑封儲德意深忽聞遺誥語乃見恤民心  
金殿塵虛積璿霄路莫尋空留彤管記千古頌徽音

數文閣待制張子立

天下欽堯母東朝久照臨浣衣珍儉寶濟物擴仁心寧  
數馬明德何如挈仲任煌煌垂謚冊千古仰徽音  
魏馭搖南旆時康樂中興三牲供日用萬福冀川增絲  
管慈寧殿松楸永祐陵易晞悲薤露清血贖霑膺

吏部侍郎沈介

儼極聞天合承桃告日符造周開太姒從舜返蒼梧仁  
矣高千古天乎歟九虞濯龍無復御恨滿越山隅  
碧海靈山下丹青羽衛升陳衣彰儉德奉冊煥徽稱日

慘慈寧殿雲深永祐陵聖情隆孝慕攬涕先凝

戶部侍郎董革

敏度占沙麓傳經本相門千秋坤載厚四海母儀尊慈  
極光塵歇仙遊羽衛繁平生仁儉德無愧寫瑤琨  
龍沙萬里別驪御十年回聖孝高千古仁恩沃九垓舜  
琴聲未足禹穴葬還陪挽鐸松岡路西風故作哀

刑部侍郎黃祖舜

慶毓千齡主家承尺五天東朝隆大養南極注長年儉  
德宮闡化仁風簡冊傳漢廷誰作詠應有筆如椽  
夢日興王業乘雲與帝期鍾淒長樂路門掩濯龍時方  
慶新年久禮儀纏厚夜悲小臣叨勸講忍誦夢莪詩

工部侍郎王晞亮

聖德逾三母天年未九齡衣冠陪永祐溫清隔慈寧國  
富資勤儉家慈尚典刑白雲飛盡處望斷越山青  
北狩三千里東朝二十霜江濱曾從帝歧下預興王堯  
母門猶在瑤池路寢長來年春日近何處奉椒觴

起居郎黃中

懿德追前古徽音播九圉離明正旁燭月魄遽淪輝風  
引霓旌去雲隨鶴馭飛孺哀瞻舜孝潸涕向東揮  
陰教輝彤史神遊返帝鄉慈宮塵暗積蓬島日初長寶  
佩收餘響瑤池掩壽觴傷心祐陵道松柏已蒼蒼

起居舍人楊邦弼

慈殿拂雲新安榮二十春一人躬定省四海守甘珍儉  
德推長樂徽稱播顯仁天胡奪眉壽哀慟極嚴宸

母道超今古，嬪規善始終。夙符懷日夢，還茂補天功。雲  
去禕衣在，塵生黼帳空。吾皇性曾閔，兩淚灑寒風。

侍御史朱倬

性備三千行，齡高八十春。靜專儼永祐，慈儉繼宣仁。長  
樂方崇養，蓬壺忽返真。聖心過舜慕，孝德動蒼旻。  
漏轉慈寧曉，匱開浣濯衣。私恩杜歲吮，遺愛滿宮闈。訓  
儉言猶在，朝元去不歸。稽山隔濤渚，望斷白雲飛。

殿中侍御史汪澈

孝養艱難後，今踰二十年。身安長樂貴，德視大任賢。八  
秩奇齡饗，一朝遺詔宣。聖情哀慕處，雲日慘堯天。  
龍輶驚祖載，鵠馭渺難尋。儉示持躬寶，仁歸愛物心。蒼  
寒霜覺重，此迴月初沉。門寢悵何許，慈寧宮殿深。



左司諫何溥

懿並周文母芳傳漢相家九重巖日養八秩慶年華南  
極光初度西真樂未誰知稱壽處天淚濕衰麻  
問寢今無所悲風繞禁闌空瞻蘭殿在難望翟車歸仙  
仗凌虛迴神淒鏤翠微稽山增聖慕重見五雲飛

右正言郝民望

三代龍箚賁千齡鳳歷祥興王天作合誕聖日重光遐  
紀方稱慶大行俄盡傷悲風動雲駕遺誥重彷徨  
瑤齋隆位號王塞歛煙霏仰見三靈祐端為萬國依至  
仁躋壽域丕顯自慈闈遽掩猗蘭殿宸瀛涕泗揮

監察御史任文薦

文母齊家日克心孺慕年六官方賀厦八帙遽終天躬

儉流光遠鴻名取數全哀茹奏問望路簡用信無前  
哀動慈寧殿宮城最上頭悲催秋雨泣凝慘慕雲愁壤  
絕香塵斷仁深美化留九重朝夕慕天際望歸舟

監察御史沈澹

聖<sup>休</sup>追任如中興贊我皇宮闈化慈儉家國底平康北闕  
恩高厚東朝譽寢昌顯騰寶冊萬古播遺芳  
堯智宜高壽俄驚夜壑移蒼梧歸駟馭畫翟返瑤池日  
薄旌旗暗風侵鼓吹悲兆人咸孺慕慘愀格天時

御史臺檢法官張開

近者鈞星隕俄驚失大任一人悲孝養四海咽懼心慈  
儉聞遐邇哀榮備古今深仁垂寶冊千載播徽音  
八十東朝貴年齡自古稀尚期仙馭永忽指帝歸爰日

虛金殿寒風慘玉依忍聞號祖奠孺慕出宮闈

中興禮書第二百七十卷

凶禮三十五

顯仁皇后

發引

紹興二十九年九月二十六日都大監領喪事所言將  
來大行皇太后梓宮發引依典故合行排辦下項買道  
與四目方相車香輿引魂輿輓輿與儀棺輿銘旌幡輿  
五穀輿紙輿各一天盟器搭床一十張花幡雪柳一十  
件春帳擔床衣架各一鐺鐺臺擔床果卓倚子擔床各一衣  
輿三十未敢指定數目金銀家事擔床二擎用綵結樓  
子一香案一綵結影殿一威儀僧道依數下所屬差撥  
龍輅車一并前後板橋子全勦纁贈玉匣一并小橋一皂纛旗並

乞下文思院置辦并乞下所屬差撥使臣照管及行擔  
擎人數詔依

十月四日詔大行皇太后橫宮總護使差保康軍節度  
使開府儀同三司充萬壽觀使吳益橋道頓遞使差權  
戶部侍郎董革

六日權戶部侍郎董革言准勅差充大行皇太后橫宮  
橋道頓遞使今參酌故創條具下項 一今來大行皇  
太后梓宮進發合渡錢塘江并過浙東又渡錢清江其  
兩江不測水勢湍急事體至重欲依例同總護使都大  
監領官會議約度船隻並令前使預先撥堅牢壯大并  
准備外幫舟船使用并照得昨來安奉梓宮登舟係平  
板活絡脫卸上蓋棚屋并置辦周圍窻隔等准備遮護

風雨 一革自行在至紹興府除帥臣監司及太中大夫已上并職事相干外餘並不許出詔其一行官屬往來乞免辭見所至去處如遇朝拜行香之類並免趑趄詔依

七日禮部太常寺言今參酌討論下項 一行啟奠祖奠遣奠之禮合用祭器乞就用太常寺見今常祀祭器使用外所有合用牙床三張乞下工部指揮文思院製造 一依國朝園陵故事發引日合用鹵簿儀仗檢照昨昭慈聖獻皇后故事發引日權以儀衛服紫褐青衫執持儀物充代令主管禁衛所前期相度差撥施行所有將來大行皇太后發引日欲乞依前項故事施行詔依

八日總護使吳益言已降指揮應干合行事件並依孟忠厚前後所得指揮使施行今來本司乞以大行皇太后櫨宮總護使司為名詔依

十一日尚書省孔子准紹興十二年顯肅皇后梓宮到紹興府日其經過州縣合行排祭不係經由州縣即不合排祭令進奏院遍牒諸路勘會今來大行皇太后梓宮發引排祭候指揮詔依舊例施行

十五日權戶部侍郎櫨宮橋道頓遞使董革言依故例合先往浙東至櫨宮往來點檢橋道程頓欲依按行使副例許詣櫨宮朝謁詔依

十八日太常寺言准尚書省孔子櫨宮橋道頓遞使董革權發遣臨安府趙子滿孔子相視將來大行皇太后

梓宮發引門戶若於新城水門兩橋之間去拆禁城權作門戶取江下牛皮巷直至跨浦橋登舟侍朝委是快便即未審於國音方位陰陽有無窒礙更合取自朝廷指揮奉聖旨令禮部太常寺同太史局官議定聞奏據太史局官供到狀內方係國音利方其地在嘉會門左右至江路稍遠乙方不係國音利方無凶神其地約在便門之南看詳此路與今來橋道頓遞使司畫到圖兩橋之間開城去處不遠若令太史局指定乙方地步令道橋頓遞使司同臨安府從便措置開城取路直至跨浦橋江次極為快便又緣太史局雖稱其方無凶又緣不係國音利方有此疑慮今議定緣事干國音合取自聖裁詔用乙方太史局曰下標定地步令橋道頓遞使



司同臨安府措置道路

宋會要十月六日詔大行皇帝

星經由道橋梁門戶及排辦恒華至字委知臨安府

趙子滿措置開檢修整其合行事仍開會橋道頓使

委我部大監領所支還其合行事仍開會橋道頓使

司施行十月十三日詔來大行皇帝后梓宮發引

舉常平茶鹽使楊沂在司編排應辦渡江舟船等浙西提

錢物具實數報都太監

太監領所支還

二十三日禮部太常寺言將來梓宮發引依顯肅皇后

故事梓宮經由錢塘江并錢清江事體至重欲乞降御

封香委官嚴潔致祭今具合排辦事件下項 一合用

祝文二首並述以為梓宮渡江前期祭告之意

神一首錢塘江龍神御封降真香二合白幣二段 一每位合用

酒脯栗鹿鬻菁蠟燭燎草等共二位羊豕肉各二斤乞

從太常寺具合用數報臨安府紹興府排辦其禮料俟

同日閤門言將來梓宮發引其文武百僚出城奉辭所有文武臣合排設路祭一座於立班處側近排設所有合用真衣絲贈冥器花果香燭齋供道場等其所用錢物除諸軍使臣免納外乞令應武臣橫行至承信郎並照本身合得料錢數每貫納錢三十文省欲乞於臨安府送納出給朱鈔內職事官已上并諸官司官已排設路祭去處更不送納將來收到錢乞令臨安府委官排辦路祭等支使或有支費不盡錢數令臨安府具數一面納左藏庫詔依臣至進人合排設路祭于立班處側近處排辦乞並依閤門例施行詔依宋會要二十九日詔梓宮舟船經由河道近岸居民屋宇妨礙時暫

面納左藏庫詔依臣至十五日御史書梓宮發引日  
近處排班欲乞並依間門側施行設路祭于立班處  
九日詔梓宮舟船經由河道近岸居民屋宇坊礙時暫

三ノ口

3

門外進名奉慰所有將來顯仁皇太后發引日欲依故事施行 一行啟奠祖奠遣奠之禮合差贊導太常卿一員贊引太常卿太常博士一員乞令本寺官充 一昨昭慈聖獻皇后靈駕發引日百官於城外奉辭依故事並服孝服所有自成服後文武官至行在者不當別在孝服止合公服黑帶陪位今欲依故事施行 一合差捲簾侍香捧爵酌酒捧祀版監奉焚燎等內侍并合差收掌衰服監視焚燒及割繩內侍各一員乞下包內內侍省差官 一合差指引利方焚衰服尅擇官一名乞下太史局差撥 一哀用今檢照昨昭慈聖獻皇后并顯肅皇后禮例俟有司修製畢依舊文思院收掌俟發引前一日禮設於行宮門外用寶幄次俟發引日行

造奠禮讀哀用訖陳列哀用於大昇舉之前影殿之後  
導引至櫬宮日交割付櫬宮都監香火官收掌俟將來  
遷奉園陵即依故事入皇堂安設施行 一謚用寶今  
檢照昨昭慈聖獻皇后禮例發引前一日本殿降出付  
部設於行宮門外用寶幄次俟發引日行遣奠禮訖陳  
例謚用寶於大昇舉前哀用之後導引至櫬宮於幄次  
安設俟掩櫬官畢却以謚用寶導引虞主回日謚用寶  
依舊交付本殿官俟導引虞主至太廟其謚用寶交割  
付本廟安所收掌所有今來顯仁皇太后謚用寶安設  
陳列並欲乞依禮例施行 一依典故太傅持節導梓  
宮所有合用節一副乞下工部指揮文思院製造 一  
啟奠祖奠合用祝文二首

一首還以皇帝行禮之意一首還以皇帝行祖奠禮之意

之其御封降真香乞從太常寺具合用數請降白幣三  
段下左藏庫支供 一啟奠祖奠遣奠共合用正羊豕  
各三副羊豕各一乞下臨安府收買付牛羊司入滌養  
餽供應 一啟奠祖奠遣奠并虞主回行虞祭及卒哭  
祭其合用禮料酒齊等乞具合用數報臨安府排辦所  
有合用祭器并祇應人前期開具關報所屬照會前一  
日放入排辦交割付本殿及差殿內幕士等擡擎鋪設  
一將來靈駕發引日於麗正門外行遣奠之禮慮至  
日不測雨降欲乞依禮例令臨安府同儀鸞司絞縛幕  
屋仍稍加高闊不妨得礙龍輜大昇舉道路 一合用  
擡擎哀用輦官及禮部職掌各乞下所屬量人數差撥  
一百官於城外奉辭并虞主回日百官於城外奉迎

合用香爐匙合等乞下臨安府排辦合用幕次乞從頓  
遞使司指揮所屬量地隨宜絞縛詔依羊白後凡遇合用  
府故買什牛平司供應帶年俸戶部下五歲庫吏以  
宋會要十一月三日詔顯仁皇帝太后梓宮發引諸使司  
一行官更請色人乙支券驗食等錢其經過州縣吏不  
排辦文破飲食免致宰殺驗授先其是宰執內殿進呈  
上曰皇太后喪事發在近諸司官吏人等各有已文  
奉食前錢訪聞江路排辦食頓官多當物命以行殯致  
宰殺賜援  
故有是命

五日禮部太常寺言准都省批送下摠鶴使司狀據御  
輦院申今來顯仁皇太后發引本院有見管龍輿一乘  
合行排辦引從兼契勘龍輿下人員輦官服色係緋衫  
人員紫衫並繫黃帶子乞行下所屬詳酌指揮施行送  
禮部同太常寺看詳申尚書省今看詳欲依典故梓宮  
發引日龍輿下人員輦官執持儀物人並合服紫衫黃

帶子詔依

宋會要十一月五日詔以左太中大夫參知政事賀允中保信軍節度使領閤門事兼客

省四方館事兼奉使金

國充皇太后遣留使封

七日橋道頓遞使司言將來顯仁皇后梓宮渡江緣進發在近欲臨安府東嶽廟并主潮神忠清英烈王西興武濟忠應公并錢塘清江龍王乞特賜敷奏預行降香祈禱其經歷神祠令逐處守臣先次差官嚴致潔祭庶使神靈效職保衛安流詔依合用香令入內內侍省請降

八日禮部太常寺言將來靈駕發引是日皇帝行啟奠祖奠遣奠之禮太傅一員後從係差臣侍中一員奏請靈駕升降進權住係差部長貳太傅一員持節道梓宮監攢宮依例就差總護使少傅一員率捧梓宮官奉升



大昇舉及引梓宮即橫宮并攝少保復土九鍾係差侍  
從太常少卿一員率執翼者障梓宮監察御又一員監掩  
橫宮少府監一員進龍輜將作監一員捧梓宮登龍輜  
兼掩橫宮宗正卿一員充九虞祭及掩橫宮饗官啟奠  
祖奠讀祝文官一員遣奠讀哀用官一員遣奠舉用官  
二員進幣爵酒官一員酌酒官一員詔依

同日又言今參酌下項 一梓宮發引經由州縣除公  
吏軍民不合製服外其見任寄居官曾服孝服者服初  
喪服不曾製孝服官止合服公服黑帶於城外排祭處  
俟梓宮將至長吏以下並再拜訖班首詣香案前上香  
再上香三上香訖跪一爵茶三奠酒俛伏興復位並舉  
哭俟哭止再拜訖直身立俟梓宮過班退

奉鮮俎此唯  
不排祭不奠

酒奉 一依故事將來顯仁皇太后梓宮赴櫨宮並虞主  
同赴慈寧殿安奉經過州縣鎮依故事禁止音樂俟過  
本處仍舊 一依昨顯肅皇后梓宮發引到紹興府本  
府官屬於城外迎奉梓宮排祭一座仍於報恩光孝寺  
作道場三晝夜禁止音樂掩櫨宮畢虞主回仍舊 一  
發日其方相買道輿等除緣結物色其餘大昇輿方相  
買道輿等候至櫨宮日依故事令於櫨宫外焚燒所有  
方位乞下太史局差人指引令喪葬作頭計會焚燒  
一依故事靈駕發引前一日呈搜按視車輦方相大昇  
輦並一行儀衛僧道等係總護使同都大監領喪事官  
按視今欲乞依故事施行 一今來靈駕發引前一日  
之夕晝漏未盡三刻欲依故事百官服孝服詣慈寧殿

哭臨所有合差定時尅擇官乞下太史局差撥 一檢  
會昨昭慈聖獻皇后故事靈駕發引前一日總護使行  
夜祭之禮俟行禮畢退其挽歌依故事俟夜祭畢初更  
入殿祇應挽歌及祇應人如殿內別無祇應初更後並  
令出殿所貴宮禁遇夜不致喧雜所有今來顯皇太后  
靈駕發引前一日欲乞依故事施行詔有經由門戶乞  
候祇應人等出盡閉門其合燈燭并合用供養食茶酒  
果香等乞令都大監領喪事主管諸司排辦其合用祝  
文乞下太史局排辦 一發引日乞依故事令閤門引  
總護使却大主管官橋道頓遞使於麗正門外御幄前  
朝辭其餘行事官等乞依故事並免 一依體例今來  
差赴橫宮行事官俟掩橫宮畢回程入門日乞各令計

會閣門朝見 一將來沿路宿頓并至橫宮及掩橫宮

日依故事總護使已下應合起行事立班官並服衰服  
詣梓宮前上香朝脯臨其合用香并供養食茶酒果等  
依例係主管諸司排辦內朝脯臨若值兩乞權免拜

一發引日行遣奠禮畢除總護使并都大主管官合隨  
從外其餘行事侍中已下俟陪位訖並乞依故事先赴  
宿頓內隨從官吏等沿路若遇雨許施雨具 一遷奠

行禮官一員依禮例差總護使充 一遷奠并掩橫宮

各合差奉禮郎太祝太官令各一員並乞輪差太常寺

官如職事相妨乞報總護使司於屬官內差充宋會要

八月詔侍中差兵部侍郎權禮部侍郎楊格太傅差

府儀同三司總發使吳益少傅差權工部侍郎兼權給

事中王時亮太常少卿差宗正監差察御史差任文薦少

少監劉克仁宗正卿差司勳員外郎兼權中書舍人黃中  
 陳俊卿啟莫讀祝文官舍人洪邁通鑑纂要司馬權輿  
 員外郎兼權右司員外郎胡沂文部員外郎兼權中書舍人  
 左司員外郎進奉角海官是太常博士羊舌將來顯仁  
 皇太后憲駕登引合差太傅一員從皇帝行啟英祖英  
 道英之禮詔差尚書省左僕射湯思退

一依故事園陵五使依乾興例更不朝拜詣陵緣今  
 來橫宮相去不遠所有總護使并隨從梓宮行事等官  
 欲乞令事畢日易常服黑帶詣橫宮朝拜 一登引日  
 其南班宗室俟行啟奠祖奠陪位訖後從梓宮升大昇  
 輦俟行遣奠陪位訖先退詣梓宮宿頓處以俟奉辭訖  
 退其紹興府南班宗室欲乞於紹興府排祭處奉迎訖  
 後從梓宮至橫宮俟掩橫宮畢奉辭訖退 一依故事  
 靈駕發引日其本宅諸親隨從靈駕至橫宮 一將來

梓宮發引至橫宮依禮例前一日奏告昭慈聖獻皇后  
橫宮徽宗皇帝橫宮顯恭皇后御容顯肅皇后懿節皇  
后橫宮其奏告官乞依例係總護使司行下紹興府大  
宗正司差南班宗室五員前一日赴泰寧寺致齋所有  
合用御封香祝文乞從太常寺具合用數關報所有屬  
請降付兩橫宮司交割其合差太祝五員并合用供養  
食物件等乞報紹興府差官及依自來奏告禮例排辦

一合用御封降真香一十合沿路供燒詔依

宋會要十一月

八日詔顯仁皇太后案駕發引其日本宅諸親隨從置  
駕至橫宮其逐官令戶部行下所屬止支本等驛券沿  
路札支所省合支外船金西浙  
路梓運司相度員數應割

紹興二十九年十一月九日橋道頓遞使董革言西興  
岸口有主潮神寧濟廟一所其神封武濟忠應公係紹

興十二年顯肅皇后梓宮渡江保護無虞准勅加封今  
號其廟正在蒲口神像屋宇悉皆頽毀欲朝廷候將來  
梓宮濟渡一行安靜事畢檢舉特賜加封仍令漕司應  
副添修所有其餘經歷神祠亦乞令有司討論紹興十  
二年故例施行送禮部太常寺看詳申尚書省今看詳  
欲並依本官所乞施行詔依

十日禮部太常寺言將來靈駕發引前一日奏告行在  
宮觀今具合行事件并差官下項 一奏告報恩光孝  
觀天慶觀太一宮各合差奏告官一員前一日赴祠所  
致齋至日行事畢退欲乞於侍從卿監內差官 一合  
用御封降真香一十四合青詞二通祝文一首  
仁皇太  
后靈駕發引前 蒼幣四段皂幣一十段并合用禮料酒  
一日奏告之意

燭合差奉禮郎以下行事官等並乞令太常寺依自來奏告禮例闕報所屬差官請降排辦施行詔依

十一日禮部太常寺言將來靈駕發引後一日欲乞皇帝前後殿不坐仍不視事并發引日百司各作休務假詔依

十三日禮部太常寺言今月十六日發引於麗正門外行遣奠禮其日臣僚合自待漏院服衰服入立班更不易常服詔依

同日都大監領喪事所言據太史局申契勘將來發引掩攢官等合排辦事件下項 一梓宮今月十六日登舟所有銘旌依故例合梓宮船前安立 一所有送伴車馬依故例至國門合行回路宜入候潮門其餘路依



太常寺所申入麗正門即與陰陽經書別無妨礙詔依

哀冊文

維紹興二十九年歲次己卯九月辛巳朔二十日庚子  
顯仁皇太后崩于慈寧宮之慈寧殿十一月辛巳朔二  
十六日丙午遷座于永祐陵櫬宮從變禮也長樂鍾  
殘濯龍月悄羽衛紛空蕭笳愴曉敢塗啟於慈闈靈駕  
遵於砥道哀子嗣皇帝御名撤祖奠以攀摧想音容之  
窈杳永違溫清之晨莫極劬勞之報命通列以紀揚垂  
信編而有耀其詞曰自古在昔若聖與神天命所集母  
慈是因赫矣電樞有開祐寶瞻彼星虹實鍾少昊生民  
紀稷長發頌商典籍所載靈休相望惟今邦基亦繫文  
母寶系遙遙古之不朽扶陽世相一經有傳城南踵盛

尺五近天積厚流長篤生聖媛作合先皇增輝彤管甲  
館標瑞猗蘭叶符從容珩珮左右詩書屬時運覽屯從  
屬車而遠適淒其湘水之淚痕邈矣瑤池之轍及乎龍  
化一馬龜占大橫奉東朝之徽冊旋駝駕於神京天下  
之養兮日隆寢門之問兮無阻服黃老之遺風躬練衣  
之質素功被宗社仁漸遐遐化慈儉於宮壺裁恩賜於  
外家于時滄海收波邊城沉燧身復見於太平物俱無  
於疵癘三靈協佑五福兼宗方拜牋而稱壽期閱歲於  
無窮然而仙馭莫留帝鄉將近歇駒隙於人間歎塋舟  
於夜半體合造化心栖查冥卻粒食以弗御乘清虛而  
上征坤載脩其塋功軒曜從而變采待九轉兮難期訪  
上池兮安在閨桂殿以依然覬惠帳之遽改曾未熟於

燭桃忽先宣於露薤嗚呼哀哉容衣陳於虛寢壽筭像  
於平生恍承顏之如失紛雪淚以空零閱寶奩之餘澤  
捧遺誥之丁寧已纏悲於風木猶誤起於鷄鳴嗚呼哀  
王兆戒期龍輜載路出魏闕以長辭指漢陵而歸祔嗚  
呼哀哉一奠茲訣九虞易畢秦望之東兮峯巒矗峙駐  
驛之右兮龍虎馳突沉沉銀海之鴈鳬慘慘柏城之林  
樾霜露之感深抱戚於無涯金石之傳庶流芳於罔極  
嗚呼哀哉

啟奠祖奠遣奠行禮儀

其日有司設牙床牲牢禮饌畢行禮時前禮直官引讀  
祝文官詣殿上東向立進幣爵酒官詣殿上西向立酌  
酒官於酒尊之後立次太常寺引陪位官皇親南班官

并諸及親總護使司官屬并行事侍中等詣殿下北向

立定次禮直官引太傅并宰執及總護使於班前立定

次禮直官太常博士引太常卿於帳前立定皇帝自內

服初喪服至御幄

侍衛之官各服初喪之服

簾降太史報時前二刻

禮直官太常博士引太常卿當幄前俛伏跪奏稱太常

卿臣某言請皇帝行啟奠之禮奏訖俛伏興退復位簾

拜舉哭在位官皆再拜舉哭次內侍進盤匱沃水奏請

皇帝盥手內侍進巾奏請皇帝悅手內侍進爵奉請皇

帝洗爵內侍進巾奏請皇帝拭爵訖內侍捧爵詣酒尊

所跪酌酒官搯笏跪酌酒訖執笏興內侍捧幣爵詣進

爵酒官之所後立前導官前導皇帝升殿詣顯皇太后

靈座前

通奠

奠前

次禮

直官引太傅後從

凡升降

皆從

又奏

請皇帝跪上香再拜上香三上香進幣爵酒官西向跪

先進幣次進爵酒又奏請皇帝受幣奠幣執爵三祭酒

奠爵俛伏興又奏請皇帝少立哭止讀祝文官東向跪

讀祝文

連奠幣讀哀用官讀哀用

訖奏皇帝哭在位官皆哭又奏請

拜皇帝再拜在位官皆再拜次前導皇帝降階復位西

向立奏請拜皇帝再拜在位官皆再拜次前導皇帝權

歸簾降陪位官權退俟時至中詣顯仁皇太后靈座前

俛伏跪奏稱侍中臣某言請靈駕進發奏訖俛伏興退

凡侍中奏稱皆俛伏跪奏訖俛伏興

俟輦官捧梓宮稍前侍中又奏請梓

宮少駐俟權置定有司設牙床牀宰禮饌畢次引前導

行事陪位官各就位立定次禮直官太常博士引太常

卿當帷前俛伏跪奏稱太常卿臣某言請皇帝行祖奠

之禮奏訖俛伏興退復位簾捲前導皇帝出陞詣殿下

西向褥位立奏請升舉哭行此次前導皇帝升殿詣

褥位西向立太傅案執前導官權退詣屬次禮直官引

皇親南班官諸親於殿下稍東少立次引總護使升殿

詣皇帝褥位之東西向立如班後從外其木司官

麗先正門外禮直官引侍中奏請顯仁皇太后靈駕進發

初行禮奠之於射殿過道門外太傅持節導梓宮進發降

殿太常少卿帥執翼者分左右障楹梓宮初梓宮降殿

皇帝舉哭從行總護使舉哭後從諸親皆舉哭陪從至

射殿過道門外次引侍中詣顯仁皇太后靈駕前奏稱

侍中臣某言請顯仁皇太后梓宮升龍輜奏訖退次將

作監捧梓宮登龍輜至麗正門外侍中奏請靈駕權駐

升大昇舉初至門外皇帝歸帷簾降行事陪位官少退

前導官立於初帷前次少傅率梓宮官德將作監奉梓宮升

大昇舉訖有司設哀用牙床實牲牢禮饌畢次引讀用

官各就位東向立進幣爵酒官西向立的酌酒官於酒尊

之後立次引陪位官皆立定陪位官如次禮直官太常

博士引太常卿當帷前俛伏跪奏稱太常卿臣某言請

皇帝行遣奠之禮奏訖俛伏興退復位簾捲次前導皇

帝出帷詣大昇舉之東褥位西向立皇帝舉哭再拜及盥洗上香奠幣酌

奠位陪位官皆退又奏請皇帝少立次禮直官引侍

奏請靈駕進發有司帥僧道各執威儀鑼鉦道具并應

應車輿法物及儀衛執持儀物人前引靈駕進發前導

皇帝于麗正門外南向舉哭執綵繩俟大昇舉進發內

侍割繩訖前導皇帝歸哭止簾降前導官退皇帝釋衰服服吉服乘輦還內侍衛如常儀其衰服內侍收掌太史指引方焚之內

侍監視宋會要十一月十八日奉臣湯思退以下以顯仁皇太后梓宮進發指前問上嚙咽流涕上頓

知樞密院事王綰等兩涕曰朕自前日太母梓宮進發不成懷抱朕將病中宮亦以煩腦不快綸見上意惟傷

太甚奏曰陛下如此天下何養者幾二十年陛下奉事然太母還自朔方享四海之養者幾二十年陛下奉事

如一日及其寢疾陛下終日不食終夜不寢與中官親白抱持扶進粥藥雖大舜之孝亦不過此況皇太后年

金八十五福壽俱備人子之心亦可無憾也上收淚累首肯焉

百官奉辭儀

其日百官先赴城外幕次易初喪之服俟顯仁皇太后靈駕將至有司設香案定御史臺閤門太常寺集百官立定禮直官引班首已下詣班前立定俟靈駕至禮直官贊躬拜班首已下在位官皆再拜次引班首詣香案



前上香再上香三上香復位立班首舉哭在位官皆舉  
 哭俟哭止禮直官贊躬拜在位官皆再拜奉辭訖權退  
 立俟大昇舉過並退

奉迎處主日百官並帶黑帶班首揖旁上香如儀唯不舉哭